

Ex Concilio Aurelianen.

Episcopum a, Presbyterum, aut Diaconum canes, aut accipitres, aut hujusmodi ad venandum habere non licet. Quod si quis talium personarum in hac voluptate sibi detentus fuerit, si Episcopus est, tribus mensibus a communione: si Presbyter, duobus: si Diaconus, ab omni officio suspendatur.

C A P. II.

Summatum est supra capitulo proximo.

Ex eodem.

Omibus servis Dei venationes, & sylvaticas vagationes cum canibus, & accipitres, aut falcons habere interdicimus.

TITULUS XXV.

DE CLERICO PERCUSSORE.

C A P. I.

Clericus sepe alium percutiens, & monitus non desistens, deponendus est.

Ex Concilio Agathen. b

Si quis in aliquo gradu (sacro) percussor extiterit, corripiatur a criminis: & si non emendaverit, depontatur.

C A P. II.

Duobus mensibus a Missarum administratione suspenditur Episcopus, qui crudeliter aliquem fastigari facit.

Gregorius Tarentin. Episcopo. (an. 600.)

Praeterea, quoniam mulierem propter delictum suum contra ordinem Sacerdotii cædi crudeliter fastibus deportasti: quam licet exinde (cum post octo menses defecserit) minime arbitramur fuisse defunctam: tamen quia ad ordinem tuum noluisti habere respectum, duobus te mensibus ab administratione Missarum statuimus abstinere.

C A P. III.

Non puniatur Clericus ut homicida, si fuit ipse in conflictu pro parte violentiam repellentium, licet ibi aliqui mortui sunt, & ipse lapides projectit, et qui nullum ipse percussit.

Alexander III. Lucen. Episcopo. (an. 1180.)

Praesentium c lator in quodam confictu assert se fuisse, pro parte tamen illorum, qui violentiam repellebant, in quo lapides ipse projectit, sed aliquem non percussit. Quem nos (qua per alios illuc aliqui dicuntur occisi) a celebratione Missarum per biennium præcipimus abstinere. Mandamus itaque, ut si alia non impedierint, decurso hujusmodi temporis spatio ad sui officii executionem eum admittas.

C A P. IV.

Clericus, qui fuit in confictu, ubi aliqui fuerunt occisi, sine ejus facto, vel consilio, de jure communi promoveri potest. h. d. secundum intellectum, qui plus placet Panormi.

Celestinus III. (an. 1195.)

Continentia d literarum: (G inf. 1) Cum P. Acolythus cum quibusdam ad resistendum prædonibus armis sumpsisset, in confictu illo tres furerunt ab aliis vulnerati ad mortem, ita tamen, quod illa homicidia neque factio ejus, neque consilio perpetrata fuerunt: [G inf.] Consult. t. t. r. quod cum prædictum Acolythus ad frugem melioris vitæ transivisse dicatis, poterit ipse ad Subdiaconatus ordinem promoveri, & altaris ministerium exercere.

[i] Vestiarum inspecta, qua significasti nobis, quod.]

a C. 1. eod. tit. in 1. comp. b addi potest. cap. 3. ut refert Burch. l. 2. Deir. c. 190. & Ivo p. 6. c. 235. sed in eo Concilio nondum reportum est. c C. 3. eod. tit. in 1. comp. & post Conc. Later. p. 26. c. 11. d C. 1. de Cler. percuss. in 2. comp.

TITULUS XXVI.

DE MALEDICIS. a

C A P. I.

Maledicens Papæ puniendus est, ut alii deinceps deterreantur, & ipse arceatur.

Clemens III. (an. 1190.)

Innotuit b nobis: [G inf.] Quia nobis per literas retulisti, quod cum I. Clericus multis coram adstantibus verba quædam in depressionem officii, & beneficii nostri protulit, ipsum a temeritate sua compescas: ut poena illius alii terorem incutiat, ne de cætero contra Rom. Eccl. in talia verba prorumpant.

C A P. II.

Hic ponitur poena blasphemantis Deum, vel aliquem Sanctum, & maxime Virginem gloriissimam.

Gregorius IX. (an. 1236.)

Statuimus c, ut si quis contra Deum, vel aliquem Sanctorum suorum, & maxime B. Virginem, linguam in blasphemiam publice relaxare præsumperit, per Episcopum suum poenam subdatur inferni annotata: videlicet, quod in septem diebus Dominieis præ foribus Ecclesiæ in manifesto (dum aguntur Missarum solemnia) blasphemus existens, ultimo illorum die Dominico pallium, & calceamenta non habeat, ligatus corrugia circa collum, septemque d præcedentibus sextis feris in pane, & aqua jejunet, Ecclesiam nullatenus ingressurus. Quolibet quoque prædictorum dierum tres, si poterit, alioquin duos reficiat pauperes, sive unum. Et si nec ad hoc ejus suppetant facultates, id in poenam aliam commutetur: cui etiam, si renuerit recipere, ac peragere poenitentiam superdictam, Ecclesiæ interdicatur ingressus, & in obitu Ecclesiastica careat sepultura. Per temporalem præterea protestatem coactio[n]em si necesse fuerit j Episcopi diœcesis adhibita contra eum, blasphemus, si dives fuerit, quadraginta solidorum, alioquin trintina, sive viginti: & si ad id non sufficiat, quinque solidorum usualis monetæ poena multetur, nullam in hoc misericordiam habiturus: quod etiam inter alia communitatum statuta ponatur.

TITULUS XXVII.

DE CLERICO EXCOMMUNICATO, DEPOSITO, VEL INTERDICTO MINISTRANTE.

C A P. I.

Clericus depositus celebrans excommunicatur.

Ex Canone Apostolorum.

Si quis Episcopus, Presbyter, vel Diaconus depositus juste pro certis criminibus ausus fuerit attrectare ministerium sibi dumum commissum, hic ab Ecclesia absindatur.

C A P. II.

Degradatus, vel suspensus celebrans, & monitus non desistens excommunicatur: & si nec sic desistat, per secularem Potestatem ad requisitionem Ecclesiæ exilio damnatur.

Ex Concilio Antiochen. (in Syris.)

Si quis f Presbyter, aut alias Clericus fuerit degredatus, aut ab officio pro certis criminibus suspensus, & ipse per contemptum, & superbiam aliquid de ministerio sibi interdicto agere præsumperit, & postea ab Episcopo suo corruptus in incepta præsumptione

ne perduraverit, modis omnibus excommunicetur a: & quiunque cum eo communicaverit, similiter se sciat esse excommunicatum. Similiter de Clericis, Laicis, vel foemini excommunicatis observandum est. Quod si aliquis ista omnia contempserit, & Episcopus minime emendare potuerit, Regis iudicio ad requisitionem Ecclesiæ exilio damnetur.

C A P. III.

Interdictus & excommunicatus celebrans, monitus non desistens, deponitur.

Alexander III. Londonen. Episcopo. (an. 1180.)

Clerici b autem, si qui a suis, aut etiam de mandato Romanii Pontificis ab alienis Episcopis interdicti, vel excommunicati ante absolutionem divina officia celebraverint, nisi moniti sine dilatione redierint, perpetua depositionis sententiam pro auctu tanta temeritatis incurant.

C A P. IV.

Excommunicati, vel interdicti celebrantes deponi debent, nisi proper multitudinem mitigetur poena.

Idem Toletano Archiepiscopo (an. 1180.)

LAtores & praestantium nobis intimarunt, quod tam ipsi, quam multi alii, postquam interdicti, vel excommunicati fuerint, divina præsumperit officia celebrate: (G inf. 1) Frat. tua mandamus, quatenus si XL. solummodo, vel pauciores in his deliquerint constitutus, omnes in perpetuum ab officio Sacerdotali deponas. Si vero multitudinem magnam in hoc peccasse cognoveris, eos, quos magis causam delicti esse constitutus, & perpetua depositione condennes, & alios, qui non tantum deliquerint, ab officio ad tempus suspendas, & omnibus poenitentiam secundum discretionem tibi a Deo daram in jungas.

[i] Quoniam vero magnam cum eis multitudinem in hoc peccasse dicebant, nec nobis, quis eorum magis, vel minus deliquerit, innotescere potuerit, negotium tuæ discretionis arbitrio duximus remittendum.]

C A P. V.

Si habens notitiam excommunicationis, per solam famam celebrat, debet de rigore deponi, licet cum eo possit misericorditer dispensari. h. d. & est casus notabilis.

Innocentius III. Heribolen. Capitulo. (an. 1212.)

Illud Dominus in B. Petro: (G inf.) Venerabilis frater noster quondam Hildefemus. Episcopus licentia non solum non obtenta, sed nec etiam postulata (Ecclesiæ Hildefemini reliqua) Heribolensem Ecclesiam occupavit: [G inf.] Unde Magdeburgen. Episcopo e dimis in mandatis, ut cum factum ipsum non posset in partibus illis non esse notorium, nisi dictus Episcopus intra XX. dies ab Heriboleno. Ecclesiæ administratione cessaret, eum excommunicatum publice nunciaret: quod idem Magdeburgen. studuit adimplere: [G inf.] Ipse vero Episcopus in nostra postmodum præsenti constitutus est siuum recognoscet, & constiterit excessum, & non judicium, sed misericordiam postularet: hoc tamen inter alia in sua excusatione proposuit, quod cum dictus Magdeburgensis non esset ordinarius Judge ejus, non crediderat, quod monitione non præmissa auctoritate delegata posset procedere contra ipsum, aut sententiam in eum aliquam promulgare. Unde cum nec ante factum monitorias, nec post literas ab eo alias accepisset, peccare non creditur, si divina officia quantumcunque solenniter celebrait, præsertim cum ei non nisi per famam de sententiâ contra eum prolatâ constaret: [G inf. 1] Licit autem

a Vid. l. 1. C. de superex. l. 10. & l. Papinian. §. meminiſſe, ff. de inoff. test. b C. 3. eod. tit. in 1. comp. & post Conc. Lat. sub. Alex. III. p. 26. c. 10. c. 4. eod. tit. in 1. comp. & post Conc. Later. p. 50. c. 51. vid. Bernard. Diaz. in præt. crim. can. c. 28. d C. 1. eod. tit. in 3. comp. Alia pars hujus decreti in c. illud Dominus sup. de major. & obed. e in vet. comp. legit. Archiepiscopo: sed in Gregorianis legitur, Episcopo.

in hoc non videatur omnino culpabilis extitisse: quia tamen in dubiis via est eligenda tutior, eti de lata in eum sententia dubitaret, debuerat tamen potius se abstinere, quam sacramenta Ecclesiastica pertractare. Illud autem, quod sub spe venia divina sibi fecit [postquam se a nobis excommunicatum noverat] celebrari, & communioni fidelium se ingessit, potius contra eum facere credimus, quam pro eo, cum sub fiducia poenitentiae non debuerit deliquerisse, & excommunicato non vitare, multo magis, quam non a viari periculosum existat: non vitare siquidem, cum in eo excommunicatus sine delicto non potest: sed cum ex aliis pendeat, sine suo delicto poterit non vitari: (G inf.) Cum eo misericordiam facientes, poenam, quam canon natura b his, qui post excommunicationem divina præsumperint officia celebrare, vel se celebrationi ingesserint divinorum ei, non duximus infligendam.

[Quod autem postquam se novit excommunicatura a nobis, omnia divina sibi fecit officia celebrari, & fidelium communioni ingessit se frequenter, id non in contemptum sed. Apost. vel eam tanti sacramenti, sed sub spe venie afferit se fecisse, ne videlicet induceretur amplius, & in divinis eius animus diutius protervet, vel posternevet, si nunquam divinis officiis interesset: licet in diebus solemnis se nunquam celebrationi divinorum ingesserit, & cum paucis in angulo aliquis Ecclesiæ occulte non festiis diebus divina sibi fecerit interdum officia celebrari.]

C A P. VI.

Excommunicatus celebrans a beneficio deponitur.

Idem Bisuntin. Archiepiscopo. (an. 1213.)

Fraternitati cœtu: [G inf.] Presbyteros autem, & alios Clericos, qui pro suis excessibus a te nexibus anathematis canonice innodati præsumperint, vel presumunt officia celebrare divina, rationabiliter poteris omnibus beneficiis Ecclesiasticis spoliare.

C A P. VII.

Collatio beneficii excommunicato facta non tenet, & scienter talibus conferens a beneficiorum collatione suspenditur.

Idem Decano, & Priori Colonien. (an. 1213.)

Postulatis d per sed. Apost. edoceri: [G inf.] Consult. v. respond. quod cum excommunicatis communari non debeat, Clericis excommunicationis vinculo innodatis Ecclesiastica beneficia conferri non possunt, nec illi valent ea retinere licite, nisi forsitan cum eis fuerit misericorditer dispensatum, cum ea non fuerint canonice consecuti. Illi vero, qui scienter illa beneficia talibus contulerint, tamdiu debent a beneficiorum collatione suspendi, donec super hoc veniam consequi mereantur, ut puniantur in hoc, in quo delinquere præsumperint.

Celebrans in loco interdicto, si est Clericus secularis, beneficiis privatur: si Monachus in arctius Monasterium deruditur. h. d.

Quæstivitis & præterea, qualiter puniri debeat Clerici, Monachi, vel Moniales Ecclesiarum conventionalium, qui post latam interdicti sententiam in locis suppositis interdicto præsumperint haecenus, & adhuc etiam non revertentur divina officia celebrare, quamvis propter hoc sint excommunicationis vinculo innodati. Ad hoc breviter respondemus, quod Clerici, qui talia præsumperint, sunt Ecclesiasticis beneficiis spoliandi: Monachi vero, vel Moniales in arctioribus monasteriis ad peragendam penitentiam detrudendi.

U u 2

CAP.

a Vid. Navarrum in Manuali de horis Canon. c. 21. vers. 14. inter ambos, b al. infligit. c C. 2. eod. tit. in 3. comp. Bernard. Diaz. in præt. crim. can. c. 28. d C. 3. eod. tit. in 11. 1123. comp. e Vide que sunt sancta. c. is qui §. is vero & cap ult de sent. excomm. in 6.

C A P. VIII.

Valet collatio beneficii ei facta, qui prius fuit excommunicatus, sed absolvitur tempore collationis.

Idem Decano, & Subdiacono a Picavien. & Magistro P. Canonico Petrigoricens. (an. 1213.)

Proposuit b coram nobis Magister P. Clericus Episcopi Tusculan. quod G. sancta Mariz in portico Diacono Cardinali in partibus illis Apostol. sed, legationis fungente officio, quidam de Lemovicinio ei humiliter supplicabant, ut eorum Ecclesiam, quae debito fraudabatur Clericorum servitio, ordinaret: pro se ac Magistro eodem preces specialiter porrigit. Ipse vero Lemovicen. civitatem ingressus, Canonicos monuit, ut illos reciperent in sicos, & in fratres: maxime cum Praebenda V. vel IV. ab ultima ipsius Ecclesiae ordinatione vacassent: quibus post petitas, & concessas deliberationis inducias non curantibus respondere, de Praebenda Lemovicen. Cardinalis praedictus eosdem Clericos investivit: [& infra. 1]

Cum autem dictus Magister, & Lemovicen. Poenitentiarius in nostra fuissent praesentia constituti, & acta judicii inspici fecerimus diligenter, per Poenitentiarii testes intelleximus, quod Lemovicen. Episcopus pluribus annis, antequam idem Magister investitus fuerit, Clericos Burgen. castri Lemovicen. & eundem P. nominatum (quem eorum dicebant consiliarium, & fautorum) vinculo excommunicationis astrinxit. Per testes vero Magistri P. probatur, quod eti dictus Episcopus in Burgen. & eorum fautores tam Clericos, quam Laicos Lemovicen. excommunicationis sententiam protulisset, eos tamen per tres annos absolvit, antequam dictus Magister investitus: [& infra. 2]

Er quia idem Episcopus dicto Magistro communicavit postea in Ecclesia, & in mensa: [& infra. 3]

Quia vero saepe dictum Magistrum investitur sua tempore, a praefato Episcopo extitisse excommunicatum, dictus Poenitentiarius (sic obtulerat) non probavit, cum ex adverso de absolutione, & communione dicti Episcopi fuerit facta fides: quod per dictum Legatum de memorato Magistro factum est, per diffinitivam sententiam duximus approbadum.

[2 Si vero probaret ipsum excommunicatum tunc temporis extitisse, non postponerent, quod de ipso factum fuerat, revocare, qui mandatum Apost. sed. exsequentes, utriusque pars confessionibus, & allegationibus intellectis, eandem causam sufficienter instruerent ad nostrum remiserunt examen.]

[2 Quibusdam Presbyteris usque ad certum tempus in excommunicatione retenitis, qui contra sententiam interdicti praesumpserant celebrare.]

[3 His igitur, quae utraque pars proposuit, intellectis.]

C A P. IX.

Suspensus, vel excommunicatus ignoranter celebrando, nulla indiger dispensatione respectu irregularitatis, alias fecis.

Gregorius IX. I. & I. Canonis Pragensibus c

[an. 1232.]

A Postolica sedis: [& infra.] Verum quia tempore suspensionis ignari celebraitas divina, vos reddit ignorantis probabilis excusat. Ceterum si forte ignoranter, post penitentiam in Diaconum ordinatur, & postea potest secum in Sacerdotio dispensari.

C A P. X.

Excommunicatus minori celebrans, non est irregularis, sed peccat, & potest eligere, & es, quae sunt jurisdictionis exercere, licet non eligi: & si confert sacramenta, licet peccat, tamen collatio tenet, & suum habet effectum.

a. pl. Subdecano. b. C. un. eod. tit. in 4. comp. c. Hic titul. ex plurimis manuscrit. restitutus est: vulgaris dissentient. al. ita: Gregor. IX. I. & A. Canon. Pragen.

Idem. (an. 1237.)

Si celebrat a minori excommunicatione ligatus, licet graviter peccet, nullius tamen notam irregularitatis incurrit, nec eligere prohibetur, vel ea, quae ratione jurisdictionis sibi competunt, exercere. Si tamen scienter talis electus fuerit, ejus electio est irritanda, pro eo quod ad susceptionem eorum eligitur, a quorum perceptione a sanctis Patribus est privatus. Peccat autem conferendo Ecclesiastica sacramenta: sed ab eo collata virtus non carent effectu, cum non videatur a collatione, sed participatione sacramentorum (quae in sola consistit perceptione) remotus: dummodo non in contemptum Ecclesiastica disciplinae, videlicet contra prohibitionem superioris, communioni excommunicatorum pertinaciter se ingessit: in quo casu est anathema feriendum.

T I T U L U S XXVIII.
DE CLERICI B NON ORDINATO
MINISTRANTE.

C A P. I.

Clericus ministrans in pertinentibus ad ordinem, quem non habet, deponendus est, & amplius non ordinandus.

Hormilda c Papa. (an. 520.)

Si quis b baptizaverit, aut aliquod divinum officium exercuerit non ordinatus, propter temeritatem abjicitur de Ecclesia, & nunquam ordinetur.

C A P. II.

Diaconus Missam celebrans ad Sacerdotium non promovet: & a Diaconatu suspenditur ad tempus: sed in beneficio poterit ad tempus dispensari.

Urbanus III. Legion. Episcopo. (an. 1186.)

EX literis tua f Fraternitatis innotuit nobis, quod I. Diaconus, cum non imposuisse ei manum, Missarum celebrationem usurpare presumpsit: [& infra. 1] Consultatione tua taliter respondemus, quod ad Sacerdotis officium non poterit promoveri: a Diaconatu quoque bennio vel triennio pro tua maneat provisio suspensus. De beneficio autem misericorditer agatur cum eo: ne sustentatione privatus, ad seculi negotia revertatur. Ut autem securius ei possit hanc misericordiam facere, de agenda poenitentia diligentem g circa eum curam non definas exhibere: salubrius autem sibi absque dubio providebit, si ad regularem vitam se duxerit transferendum.

[1 Postmodum vero Domino aspirante, rediit ad seipsum: & proprium cognoscens excessum, in tanto sibi periculo consuli bumiliter postulavit: quia igitur super hoc tua nos duxis Fr. consulendos, literis praesentibus.]

C A P. IX.

Summatum est supra capitulo proximo.

Celestinus III. c (an. 1195.)

Cum H. lator f praesentium, sicut nobis sua quæstione accessisset, juxta consuetudinem patriæ sibi quatuor minoris ordines contulisti: quibus non contentus, Subdiaconatum temerario ausu recepit. Quia vero idem Clericus in hoc facto multum excessit: Mandamus, quatenus eum in minoribus duntaxat ordinibus celebrare permittas. Si vero domum religionis intraverit, & vita & mores ejus exegerint, Abbas (si voluerit) in aliis poterit ordinibus dispensare.

C A P. III.

Summatum est supra capitulo primo.

Idem.

I nnotuit nobis g, quod G. Clericus, & alii duo de dicessi tua ad G. quandam Seguntin. Episcopum, ut ordines ab eo recipierent, acceperint. Cumque ab eodem Episcopo sub excommunicationis sententia fuisset inhibitus,

a. C. 1. eod. tit. in 3. comp. b. Quod sit ordinem furtive suscipere, preter Panormitanum, & alios hic tradit Hostiensis in summa eod. tit. & Bernard. Diaz. in præst. crim. can. c. 21. c. Linconen. al. Livonien. d. C. 1. eod. tit. in 1. comp. & post Conc. Later. sub Alex. III. p. 26. c. 9. e. Clemens III. f. C. 1. eod. tit. in 1. comp. g. C. 2. eod. tit. in 2. comp. vid. allegata in præced. c. hoc eod. tit. & Conc. Trid. Jeff. 23. de refor. c. 12. 13. & 14.

Innocentius III. Bonon. Episcopo. (an. 1213.)

Roma in Angliam.]

Tuæ literæ a continebant, quod (sicut ex relatione quorundam receperas) P. Presbyter Diaconatus ordinem prætermisso, se fecit ad Sacerdotii ordinem promoveri. Ipse tibi quoque secreto confessus est, se pro certo nescire, si res taliter se haberet, sed ex quo boni viri hoc afferbant, inter quos fuerat conversatus, credebat assertionem eorum, eo quod tempore, quo ordinæ inferiores suscepserat, intra annos discretionis fuerat constitutus: [& inf. 1] Mandamus, quatenus condignam poenitentiam pro hujusmodi negligentiæ injungas eidem: qua peracta (quia non intelligitur iteratum, quod factum esse nescitur) ipsum in Diaconum ordinare procures, & sic de misericordia eundem ministrare permittas in ordine Sacerdotis.

[1 Quia igitur quid tibi agendum sit pro his nos duxit tua Fr. consulendos.]

ne quis se ad duos ordines suscipiendo ingereret, prædicti Clerici nihilominus Subdiaconatus & Diaconatus ordinem clandestine suscepserunt: [& inf. 1] Confus. tuæ taliter respond. quod ordinati in susceptis ordinibus de juris rigore ministrare non debent. Verum, tametsi ad religio nem aliquam voluerint se transfere, & peracta poenitentia pro arbitrio tuo eis injuncta, ibidem laudabiliter fuerint conversati, processu temporis a cum eis poteris de nostra licentia dispensare, ut postmodum susceptorum ordinum executione latenter.

[1 Quia igitur quid tibi agendum sit pro his nos duxit tua Fr. consulendos.]

T I T U L U S XXXI.
D E E X C E S S I B U S P R A E L A T O R U M , E T S U B D I T O R U M .
C A P. I.

Monet prælatos abstinere a gravaminibus subditorum, & aliqua enumerat, & geminatam poenam imponit contra faciemibus.

Alexander. III. (an. 1170. Roma.)

Pervenit b ad audiendum nostram: [& infra. 1] Cum autem Presbyteros, quasi filios & fratres benigna, ac fratera debeat charitate favere: Mandamus, quatenus in eos tallias, & exactiones indebitas exercere nullatenus presumatis, nec de cætero irrationabiliter gravatis, vel in honeste tractatis eosdem, aut sine iudicio Capituli suspendere, vel eorum Ecclesias interdicto subjecere attentatis, neque duas Ecclesias, quarum unam sufficere videbitis, permittatis illos tenere, nec aliquem excommunicare sine ordine judicario presumatis. Scituri pro certo, quod si hujusmodi rumores de vobis iterum ad aures nostras pervenerint, pro tantis excessibus vos taliter puniemus, quod timore poenæ vestra cæteri a similibus abstinebunt.

[1 Unde si verum est, miramur plurimum, & adversus vos de jure movemur, quod in Presbyteros, qui sunt in vestra jurisdictione constituti, singulis annis, quasi in servos mercenarios, talliam facitis, quibus nisi ad voluntatem vestram pecuniam solverint, divinum officium interdicatis, & eos viliter & in honeste interim tractatis, quod ipsos Laicis despicabiles redditis. Ideo si hac vera sunt, gravi debetis uitione feriri.]

C A P. II.

Non potest Episcopus sine causa Ecclesiam alteri subjectam ab illius subjectione, & obsequio liberare.

Idem Cantuariensi Archiepiscopo. (an. 1180.)

Ad hæc d, quoniam Episcopus plures Ecclesias a consuetudine, & obsequio Archidiaconorum liberas constituit, & immunes, per quod redditus diminuit eorundem: Mandamus, quatenus factum Episcopi super hoc corrugas & emendas, & ita provideas, quod præfatis Archidiacionis consuetudines, quas Presbyteri in Ecclesiis suorum Archidiaconatum debent, plenarie conserventur, & illis debitam reverentiam exhibeant, & honorem.

C A P. III.

Habens subjectionem, seu collationem beneficij, illud pro suo usu retinere non potest, seu sibi conferre.

Idem Exoniensis Episcopo. (an. 1180.)

Ad aures e nostris pervenit, quod quidam Archidiaco ni tui se in Ecclesiis, quæ in suis Archidiacionibus vacant, auctoritate propria intrudere non ve rentur:

a. Temporum. b. Cap. 1. eod. tit. in 1. comp. c. Vid. l. 2. in princ. C. ad L. Jul. repept. & Institut. de exc. §. hodie autem in fin. d. Cap. 2. eod. tit. in 1. comp. & post Conc. Lateran. p. 24. c. 4. e. Cap. 3. eod. tit. in 1. comp. & post Conc. Lateran. sub Alexand. III. part. 24. c. 3.